

# MATERA ANJA WAKITÀ UWANA PIYER ATSETSÈR Première Lettre de Pierre

## *Ayyi*

<sup>1</sup> Gi Piyer, uwana gi masla matapla la slaka Yesu Kristu, gi gètsetser à akul wakità uwanay, akul uwana Zəzagəla atsatsàmàni akul, kà anja magay azlatsəhay anja. Gètsetser à akul, akul uwana kaslèhàw gəl à ahən, la azlakutso uwana la abà sləm anjatà: Pontiya, Galatiya, Kapadotsəya, Asəya ŋgaha Bitiniya. Kadzaw à ahən la abatà bokuba akul azlaməlok gə. <sup>2</sup> Iyay, dagay uwana Zəzagəla, Baba gami, apèh à ahən kà kadàgaw tsəhay anja la Masasədok anja, apakakulla kà azlatsehay anja, kà akul anja matsəb sləm à Yesu Kristu, ŋgaha kà makotsekwàh akul aniz anja, kà akul mapak sətaka la huma Zəzagəla, kà Zəzagəla anja mapisakulla gay à vok, la vok mahamay anja, la lapiya anja, la madz à ahən la wurwur kaykay.

## *Məzləba Zəzagəla uwana abəl anu*

<sup>3</sup> Məzləba Zəzagəla Baba anja Yesu Kristu gami, kà uwana vok ahamà à Yesu kà anu. 'Ayyà', agòd à anu, kà mav à anu sifa mawga la ahəl anja Yesu Kristu. Kà uwana Zəzagəla awùlla Yesu à uda la mamətsay. Kà mawul à uda uwaga, məfa manewən gami à ahən, lakəl

aṅha, mēdàwulla à uda la sifa aya. <sup>4</sup> Ndzer, mēsəl babay kà, kadàkoraw tatak delga, uwana Zəzagəla adàdfehəṅ à ahəṅ kà aṅkul la zagəla, akul tsəhay aṅha, uwana abəɖla vok aw, awis ala aw, atatuway aw. <sup>5</sup> Akul uwana kadiṅawwal gəl à vok kà akul la maslay aṅa ndzəɖa aṅha, kà azladza gesina aṅa masəlay kà adabəl akul la paraka, la kaslà uwana gudəṅ à vok adədəv à gay.

<sup>6</sup> Iyay zlà, kà azlatatak uwana Zəzagəla adahəṅ kà akul katsekaw, baməraka lagonay kasaw azlaṅgərpa anik anik kà aṅa kaslà ṅuv pəra. <sup>7</sup> Kasəlaw kà azlamaguray, la azlaṅgərpa uwana kasaw, kà akul aṅa masəlay kà ləv uwana kavàw à Zəzagəla kà akəs vok ndzer. Azladza taguray madzərəɖay aṅa luwàluwà la akàl la abà, tekedika madzərəɖay aṅha adəv à gay. Kiya uwanay la madiṅal gəl à vok gami babay zlà, uwana aduwa luwàluwà la kaykay. Tsəhay madiṅal gəl à vok magurayga uwanay, adàvə à akul mazləbay, la masik, la masləkaway la vuɖ uwana Yesu adàsa à ahəṅ. <sup>8</sup> Baməraka kanəṅaw masla dadəṅ aw kà kawoyawwan. Kadiṅaw gəl à masla à vok kà uwaga à uwana katsekaw kaykay, matsəkay uwana aduwan uwana tapəhay la paṅaw. <sup>9</sup> Kà uwana kà, gəɖawwan à afik ndzer kà, kadaɖəlaw.

<sup>10</sup> Azladza uwana uwarà, Zəzagəla apəh à atà gay ahəl kà mapəh à azladza, tayəhəh la manərəzay lela kà matsənəṅ godega aṅha, uwana anaka Zəzagəla abəla à azladza. Tapəh à azladza à vok à abà dagay uwarà, lakəl aṅa tatak matsidəyga, uwana Zəzagəla adahəṅ à

ahəŋ kà aŋkul. <sup>11</sup> Bokuba uwana Masasəfok Kristu agà la atà la abà, apèh à atà à vok à abà kà, Kristu adàsa ŋgərpa, la uwana masla aŋa mabəzal mazləbay. Azlaməna mapəh à atà gay ahəl uwaga tayàh masəlay la məlo, ma uwala à uwana naka azlatatak uwanay tapaka vok, ŋgaha la magay la ahəŋ aŋha zlà. <sup>12</sup> Zəzagəla apəhatàla azlatatak uwana naka tapaka à vok la məlo aŋatà aw, ama uwaga kà aŋkul. Lagonay, azlauwana tazəŋ gay matsiɗayga tapəh à akul azlatatak uwaga. Uwaga kà Masasəfok uwana Zəzagəla asləl à waŋ, la uwana atsà à waŋ la gay aŋatà. Amiyaka azlamalika tayàhàh kà masəlay go dega aŋa azlatatak uwaga babay.

*Madz à ahəŋ sətaka uwana ahəf à Zəzagəla à adi*

<sup>13</sup> Kà uwaga wàɗàw madzugway aŋkul ala, kà akul aŋa manəf masla la dziriga, fàhàw akur à vok aŋkul à lig, fàw manewəŋ aŋkul kà à mabasiŋ à afik, uwana adàvə akul la kaslà uwana Yesu Kristu adàwula à waŋ. <sup>14</sup> Kèsàw koksikoksi gay aŋa Baba aŋkul uwana la zagəla la afik. Uwarà, mok uwana kasələw gay matsiɗayga aw, kanəfaw mabila aŋa vok aŋkul gesina, ama lagonay kà, kanəfaw aya aw. <sup>15</sup> Kiya uwaga: Dzàw à ahəŋ la sətaka la abà, kà uwana Zəzagəla azalà akul, kà akul aŋa magay azlatsəhay aŋha, kà uwana masla kà tsikasla la tatak gesina la abà. <sup>16</sup> Dagay uwarà tatsetsèr à wakità Zəzagəla à abà kà:

'Gàw sətaka, kà uwana gi babay kà, gi kiya uwaga.'<sup>☆</sup>

<sup>17</sup> Baña kadəvaw kuɖa à Zəzagəla kà kagoda-hawwal: “Baba, Baba”. Tsa baña kiya uwaga kà, say kahoyaw ziruwi aŋha, la mahənay, uwana akul la gudəŋ la vok aŋa dəŋŋa. Nəŋəwla vok lela, kà uwana masla adəh seriya à dza kokuɖa mahoy à adi, say la kəla sləray aŋatà, uwana tadəhəhəŋ pəra. <sup>18</sup> Sələw kà Yesu Kristu apəlanula gəl à ahəŋ la tsakalay məŋga aw takay! Kà akul aŋa masak manəfay aŋa azlababa aŋkul deydayga, uwana tatəpakulla. Kà magur la azlanğərpa uwana kasaw kà, kà akul aŋa masəlay kà ləv uwana kavəw à Zəzagəla kà, akəsà vok ndzer, baməraka azladza tagur luwəluwə uwana adədəv à gay vərđi anik, kà maguray à baña delga. Kiya uwanay la mađiŋal gəl à vok aŋkul babay zlə, uwana aduwa luwəluwə la ndzəɖa, la uwana apəlanula gəl à ahəŋ. <sup>19</sup> Ama tsa tekeɖika, apəlla akul gəl à ahəŋ la aŋiz gəl aŋha, uwana la ndzəɖa məŋga məŋga. Masla Kristu apakà bokuba magadzaw uwana kokuɖa mawisiga, sətaka. <sup>20</sup> La kaslə uwana aləg mađəh gudəŋ à vok, Zəzagəla akəsəni masla, ŋgaha lagonay la kaslə uwana gudəŋ à vok adəv à gay, Zəzagəla adəfətalla à ama ala, la dazuwaya, kà masla aŋa maβəl akul. <sup>21</sup> Kà madegolay Yesu la uwana kafawla kà gəl à ahəŋ la Zəzagəla la ləv aŋkul. Zəzagəla awulla à uda la mamətsay, ŋgaha avəl mazləbay. La kità kà, gəɖəw mađiŋal gəl à vok aŋkul à Zəzagəla à afik,

<sup>☆</sup> **1:16** 1.16 3Musa 11.44-45; 19.2

ngaha fàw manewəŋ kà à masla à afik.

<sup>22</sup> Kiya uwaga, akul kagaw sətaka, kà uwana kakəsàw gay Zəzagəla, ngaha wòyàw azladedə aŋkul məna manəfay. Kiya uwaga gəgod à akul: “Wòyàhàw vok kà akul à akul la ləv tekula.”

<sup>23</sup> Akul kasəlaw kà kadayyaw vok mawga, la gay Zəzagəla uwana avà sifa, uwana asafay, akəd gəl à ahəŋ aw. La abatà kà, kapakàw azlabəza aŋa dza, uwana amətsay tetuwa aw, kà uwana sifa uwaga kabəzəwwal kà, la slaka dza uwana amətsay aw. <sup>24</sup> Tatsetsèr à wakità Zəzagəla à abà:

'Azladza gesina kà atà bokuba azlakəsaf, marabay aŋatà gesina kà bokuba azlamawuratatay aŋa kəsaf; kəsaf agulla ala, mawuratetay aŋha asakway.

<sup>25</sup> Ama gay aŋa Sufəl Zəzagəla masla adəv à gay aw.<sup>☆</sup>

Gay uwanay kà, gay marabəŋ gà uwana katsənawwaŋ.

## 2

*Zəzagəla atsatsàmàni akul, kà akul aŋa magay azlaaŋha*

<sup>1</sup> Tsa ndzer Zəzagəla adavà à akul sifa mawga uwanay kà, wùtsàw mawisiga ala gesina, katsədaw gay aya aw, kagaw azlaməna magolla dza aya aw, kadahaw à adi aya aw, kazuwaw vok aŋa dza aya aw. <sup>2</sup> Pakàw bokuba azlabəza vərna, uwana tawoya awà koksikoksi la slaka azlaiyà aŋatà, uwaga akul babay, kà akul aŋa

☆ **1:25** 1.25 Yesayya 40.6-8

mazigənay. Kawoyaw gay Zəzagəla koksikoksi tsəràh à kaslà uwana Zəzagəla adàfətala à ama ala, kà masla adàbəl akul ndzer. <sup>3</sup> Akul say kayahaw mad à huma à gay la mawoyəŋ, kà uwana kasəlaw kà Zəzagəla kà atsid.✧

<sup>4</sup> Zàw vok à slaka Sufəl Yesu Kristu, kà uwana av sifa à azladza, masla kà akur uwana azladza tapəsèw, tekefika masla la uwana Zəzagəla adəfal à ahəl, kà masla la uwana akur mawaď gày gesina. <sup>5</sup> Akul babay, akul la sifa, gəw bokuba akur uwanay, kà Zəzagəla aŋa makəs akul kà aŋa maŋalla akul gày, kà Masasəďok aŋha aŋa madz à ahəŋ la aku. La gày uwatà la aku, kadəgaw azlaməna mav tatak à Zəzagəla, kà akul aŋa madahalla sləray la ləv tekula, à uwana ahəfal à adi, kà madegolay Yesu Kristu. <sup>6</sup> Kiya uwanay tatsetsèr à wakità Zəzagəla à abà:

'Nəŋàwwàŋ, gəfa akur tekula à gudəŋ uwana sləm aŋha Siyon, kà aŋa maŋal gày gulo, azlaakur anik tadàdal à gəl. Gəyàhàni kà uwana dzəba aŋha səla aw, kəla dza uwana adin gəl à masla à vok ziruwı, adəkəsay tetuwa aw.'

<sup>7</sup> Kà akul uwana kadiŋaw gəl à masla à vok kà, masla dzəba aŋha səla aw, ama kà aŋa azladza uwana tadinjal gəl à vok aw kà, kiya uwanay tatsetsèr à wakità Zəzagəla à abà, Zəzagəla agòď:

'Akur uwana azlaməna maŋal gày tapəsèw kà, adapakay akur mawaď gày gesina.'

<sup>8</sup> Nğaha agòď aya:

---

✧ **2:3** 2.3 Mahabay 34.8

'Akur uwanay la uwana atsahla matekwid' à azladza, à uwana tatəď à ahəŋ. \*<sup>9</sup>

Matekwid' atsàhla atà kà la masla, kà uwana tadinj gəl à gay Zəzagəla à vok aw, uwana dagay uwarà Zəzagəla apàhàh kà, say apakà vok kiya uwanay. <sup>9</sup> Tekedika, kà ankul azlatsəhay uwana Zəzagəla akəsàni akul, akul maham à ahəŋ məna mav tatak à Zəzagəla, akul tsəhay tsikasłaga anha. Masla atsatsàmàni à akul, kà akul anja mazin à azladza anha azlatatak mənğa, uwana la abà adahàhàŋ. Masla la uwana ahəl akul à uda la mələs la abà, ŋgaha abək akul à uďfaka anha à abà, uwana apəhla à akul ala, kà akul dzəba anha səla aw gà. \*<sup>10</sup> Dagay uwarà kà, akul tsəhay anja Zəzagəla aw, ama lagonay kà kadapakaw azlaanha, dagay uwarà kasəlləw vok mahamay anja Zəzagəla aw, ama lagonay kà, adagay mav à akul gà. \*

### *Madz à ahəŋ bokuba azlaməna sləray anja Zəzagəla*

<sup>11</sup> Azlamanalay, səlləw kà akul azlaməlok la gudəŋ la vok, kà uwaga gədəv à akul kuda: Kamkam katapaw ahəl à azlatatak mawisiga à vok, ŋgaha kà adiya anja makəs akul aw, kà uwana azlatatak uwaga adəďəď à akul gay à ahəŋ anja madəhəŋ uwana ahəď à Zəzagəla à adi. <sup>12</sup> Lagonay, akul la tataka azladza uwana la abà tasəl Zəzagəla aw, tsizlləw à ahəŋ lela la maday ankul la abà, amiyaka tatsəď akul gay à

---

\* **2:8** 2.8 Mahabay 118.22; Yesayya 8.14-15; 28.16    \* **2:9** 2.9 2Musa 19.5-6; Yesayya 43.20-21    \* **2:10** 2.10 Hosəya 2.23

tsəh, baŋa tanəŋa madəhəŋ aŋkul lela, tadàzləb Zəzagəla la kaslà uwana adàwula à waŋ.

<sup>13</sup> Kiya uwaga kanəfaw Sufəl gami Yesu Kristu, tsəbàw sləm à paŋaw aŋa azladza, uwana tanəŋla akul la gudəŋ la vok, uwana atà la ndzəfa. Hòyàw yewdi aŋa azlaməŋ sufəl uwana takoray lakəl aŋa tatak gesina. <sup>14</sup> Hòyàw yewdi aŋa azlaməna manəŋla akul, uwana məŋ sufəl abək atà à ahəŋ kà madàh seriya à azlaməna madàh mawisiga, ŋgaha aŋa mazləb azlaməna madàh delga. <sup>15</sup> Asa à Zəzagəla kà kadaw lela, kà azladza kà masəl akul, ŋgaha tadza à ahəŋ titi kà matsəd à akul gay à tsəh. <sup>16</sup> Gəw bokuba azladza makor gəl gə, ama kagodəw kà akul la makor gəl la abà, kà kadahawwaŋ mawisiga la masal aŋkul aw. La kità, gəw azlamagamza aŋa Zəzagəla. <sup>17</sup> Kəsàw azladza gesina, wòyàw azladedə aŋkul mənə manəf gay Zəzagəla, guba akəs akul kà Zəzagəla, kəsàw gay aŋa məŋ sufəl babay. Nəfàw slaka asik aŋa Yesu uwana anəfà.

*Kristu apəlla à anu ala, kà anu mas ŋgərpa*

<sup>18</sup> Gəpəhay kà akul azlamagamza, uwana kadahaw azlasləray, kəsàw gəl à ahəŋ la huma azlaməŋga aŋkul, hòyàw guba kà aŋatà. Kasləkawaw azlauwana tasəl akul pəra aw, ama sləkàwàw azlauwana tadahakulla mawisiga à vok bay. <sup>19</sup> Baŋa dza anik abas ŋgərpa kà madegolay Zəzagəla, amiyaka ŋgərpa uwatà kà lakəl aŋa deyday kà, uwaga la uwana tatak uwana ahəd à Zəzagəla à adi. <sup>20</sup> Iyay, baŋa kadahaw mawisiga, ŋgaha tazlabàh akul, ŋgaha kabasawwaŋ ma, uwa adàzləb akul uwa? Ama

baña kadfahaw delga, ngaha tasa à akul ngërpa, lakël aña uwaga kabasawwanj kà, uwaga tatak uwana ahəɸ à Zəzagəla à adi. <sup>21</sup> Kà aña kiya uwaga à uwana Zəzagəla azàlla akul. Yesu uwana mafal dzakwa à gəl gà, kà masla la gəl aňha, kà adfahànj kiya uwanay kà mabəl akul. Apəhàkulla tetəvi, kà akul aña manəf slaka asik aňha. <sup>22</sup> Masla adfahàhà mawisiga tetuwa aw, avavàrà dza dikiđiki aw. <sup>23</sup> Iyay, amiyaka tatsàkal magodfahay à gəl babay kà, masla awulatàla azlamagodfahay aw. Amiyaka tasàl ngërpa, masla adzùgw madfàh mawisiga à azladza uwatà à vok aw. Ama masla kà avà vok aňha kà à Zəzagəla uwana à afik, adfah seriya la mahoy adi aw. <sup>24</sup> Yesu Kristu la gəl aňha, masla azəb tsakana gami à gəl aňha, à mok uwana tatatàsl à ahàf à adi, kà anu aña magay bokuba azladza uwana tamàts kà ahàl tsakana, ama kà anu aña madz à ahəj la sifa, kà madegolay dziriga. Kawùràw ala, kà uwana taslàhànjla. <sup>25</sup> Dagay uwarà kagàw bokuba azlatuwanj uwana tetəvi adazah atà à adi, ama lagonay kà, kadabəzaw vok aya, nəfàw masla manəjla akul, uwana afa à akul sləm, masla asal kà mawisiga adəbani akul babay aw.✧

### 3

#### *Madz à ahəj aña azlazil la azlamis*

<sup>1</sup> Akul azlamis, hòyàw yewdi aña azlazil aňkul. Baña kadfahàwwànj kiya uwanay, azlazil aňkul uwana tasəl gay Zəzagəla aw, tadəbədla madz

✧ 2:25 2.25 Yesayya 53.5-9

à ahəŋ, tadàdiŋ gəl à Zəzagəla à vok kà madz à ahəŋ delga aŋa azlamis aŋatà. <sup>2</sup> Tadənəŋəŋ maday aŋkul sətaka, ŋgaha bay, la mawoy atà aŋkul. <sup>3</sup> Kayahaw bədfà aŋa vok aŋkul aw, bokuba magoɗay mats gəl anik anik, kà mapəhla vok ala, ŋgaha bay, kakay mabək tatak bədfà luwàluwàga à vok mi, ŋgaha aya kakay à maduw dzersay à vok mi. <sup>4</sup> Ama delga kà, uwaga aguwa à uda kà la ləv aŋkul la tsəh, delga kà ləv aŋkul agay mabasŋ gə, ŋgaha tələmmaga, kà uwana tsəhay bədfà uwana aguwa à uda la ləv, awis ala dikiɗiki aw, uwaga la uwana tatak uwana ahəɗf à Zəzagəla à adi, aɗuwa azlaanik gesina. <sup>5</sup> Azlamis uwana uwarà tanəfàh Zəzagəla tagəh kiya uwanay, tahòyàh yewdi aŋa azlazil aŋatà <sup>6</sup> Kiya uwaga nərəzàw Sara, akəs gay aŋa zil aŋha Abəraham, azalàlla kà Baba, baŋa ziruwi akəs akul aw kaɗahaw uwana delga gə, akul babay kapakaw bokuba masla suwaŋ.✧  
<sup>7</sup> Akul azlazil bay, say kadzaw à ahəŋ la matsən vok gay la abà la azlamis aŋkul. Atà kiya akul aw, kà uwana atà kà azlaguɓguɓ. Nəŋaw atà à adi bokuba uwana kanəŋaw à vok aŋkul à adi, sifa uwaga Zəzagəla avà à akul kà deyday, ŋgaha avà à akul, ŋgaha avà atà babay la slaka gə. Baŋa kaɗahawwaŋ kiya uwanay, Zəzagəla adàtsəɓ sləm à madəv kuɗa aŋkul, tatak la ahəŋ adàɗɗəɗɗal gay à ahəŋ aw.

*Amiyaka kaɗahawwaŋ delga kà à azlaməna  
 maɗiŋal gəl à vok*

---

✧ 3:6 3.6 1Musa 18.2

*tadasa ngørpa.*

<sup>8</sup> Iyay zlà, aganay gay madøvla à gay: Akul gesina dzàw à ahøj la løv tekula. Vok mahamay agay la akul gesina. Wøyàw vok kà akul à akul la tetøvi aña Zøzagøla la ama, gàw tølomma, wøyàw vok. <sup>9</sup> Baña dza adfahakulla mawisiga à vok kà kawulawla aw. Baña dza agòdàh à akul, kagòdàhawwal aw. La abatà kà: Pisàwla gay à vok, kà uwana la kaslà uwana Zøzagøla azalà akul kà magay tsøhay aña kà, apèh à akul à ahøj kà adapisakulla gay à vok. <sup>10</sup> La wakità aña Zøzagøla la abà tatsetsèr kà:

'Dza uwana asal kà aña madz à ahøj la matsiday la abà kà, say asakiya mawisiga la fida, uwana atsa à uda la løv aña.

<sup>11</sup> Delga kà, azøb ahàl aña à uda la mawisiga la abà, ngaha adàh delga la mayàh tetøvi matsøn vok gay la Zøzagøla, ngaha la azladza anik pøra.

<sup>12</sup> Suføl anøjla azlauwana tadàh delga, afa à atà sløm la matsøn madøv kudà añaatà. Ama kà aña azlauwana tadàh mawisiga kà, atsøb à atà sløm tetuwa aw',<sup>☆</sup>

Zøzagøla agòd. <sup>13</sup> Baña kayahaw madàh delga la løv aña kul la tsøh gesina, uwa à dza uwana adàdàfahakulla mawisiga uwa? <sup>14</sup> Amiyaka kasaw ngørpa lakøl aña azlatatak delga uwana kadahawwan lakøl aña uwaga kà Zøzagøla adapisakulla gay à vok, kiya uwaga løv aval akul à gay, kà azladza uwana tadàhakulla mawisiga à vok aw. <sup>15</sup> La kità kà sløkàwàw Kristu

<sup>☆</sup> 3:12 3.12 Mahabay 34.12-16

la lèw tekula, masla apakà madzahaga aṅkul. Gàw nekwa koksikoksi kà akul aṅa mawulla ala lakèl aṅa à uwana anava akul gesina lakèl aṅa uwana kafàw manewəṅ aṅkul kà à masla à afik. <sup>16</sup> Baṅa kawulawatàla, òahàwwàṅ kà la lèw təlèmmaga, sləkàwàw atà babay, kadahaw mawisiga òikidiki aw kà uwana baṅa azladza tatugw mawisiga lakèl aṅkul kà ziruwì, kà uwana tatsək magoòahay à delga aṅkul uwana à gəl la tetəvi aṅa Kristu la tsəh. <sup>17</sup> Nuləm kasaw ṅgərpa kà madàh delga, kiya uwaga la uwana Zəzagəla awoyaṅ; uwaga la uwana aduwa à vok, kà akul kasaw ṅgərpa, à kà madàh mawisiga. <sup>18</sup> Yesu Kristu la gəl aṅha aməts asik tekula kà madegolay tsakana aṅkul, adəvə sləray aṅha à gay la mamətsay aṅha. Masla, uwana dza dziriga, aməts kà aṅa azladza uwana azladziriga aw, kà masla aṅa madla anu à slaka Zəzagəla. Atà takəòf masla, ama Zəzagəla awùlla à uda la sifa la Masasəòok aṅha. <sup>19</sup> Mok uwana Zəzagəla adahàṅ, uwanay ahàd, azàṅ à azladza uwana atà la daṅay mamətsay la abà, la mezewi. <sup>20</sup> Uwaga kà azladza uwana uwarà takweskà mapəhay aṅa sufəl Zəzagəla, Zəzagəla akudà atà la mabasiṅ mok uwana Nuhu adahà kəslah iyaw, ama takweskà. Azladza uwana tahàd à kəslah iyaw à abà kà atà dəṅ aw, atà mtəgis pəra à uwana Zəzagəla atəfà atà kà iyaw.\* <sup>21</sup> Iyaw uwatà apakà magagazlèla la batem uwana abèl akul la tsakana aṅkul la abà. Batem uwaga kà mapal vok pəra aw. Ama uwana adala anu à

---

\* 3:20 3.20 1Musa 6.1-7.24

maham gay à vok à abà la Zəzagəla la ləv tekula, kà uwaga à uwana Sufəl Yesu Kristu awulà à uda la mamətsay. <sup>22</sup> Nğaha awulà à zagəla, adadza madzay la ahəl kaf aña Zəzagəla. Masla akoray lakəl aña azlamalika, nğaha la azlatatak anik gesina uwana atà la ndzəɗa la abatà.

## 4

### *Zəzagəla akoray lakəl aŋkul*

<sup>1</sup> Nəŋàwwàŋ kà Yesu Kristu asa nğərpa la vok aŋha, kà uwaga à akul babay: Gàw nekwa aña masay nğərpa bokuba aŋha bay, kà uwana dza uwana as nğərpa la vok aŋha, aɗah tsakana aya aw. <sup>2</sup> Lagonay mədzəka la madla à huma à gay la kəla kaslà uwana kadzaw à ahəŋ la gudəŋ uwanay la vok kaslawwalla vok aña maɗàh uwana ahəɗ à Zəzagəla à adi, awkà azlatatak mawisiga uwana asa à ləv aŋkul aw. <sup>3</sup> Kaslà uwana kadazawwanja adagay diga. Azlatatak uwana kaɗahàwwàŋ kà, aganay azlatatak uwana kaɗahàhàwwàŋ uwarà, kaɗahàhàwwàŋ kà uwana asa à vok aŋkul pəra: Kagàhàw azlaməna guzu, kahabàhàw azlamadəvaday kəla mavakay, kahamàhàw gay à vok kà mas guzu, kasləkàwàhàw azlamazlazlay atà uwana tawis mapəhay aña Zəzagəla ala ndzer. <sup>4</sup> Ama lagonay kà, kagagàmàwla vok à ahəl la azladza uwana tasəl Zəzagəla aw, aw. Kà uwaga ləv adaval atà à gay, nğaha tatsəka à akul magoɗahay à gəl. <sup>5</sup> Ama vuɗ tekula tadàtsizilla à huma aña Zəzagəla kà aña seriya. A masla kà nekwa aña maɗàh seriya à azladza uwana à

gəl atà la sifa, ɲgaha azlauwana à gəl tamatsay babay. <sup>6</sup> Makəs vok aɲa uwana Kristu azàɲ gay marabəɲ kà, azlauwana la mezewi bay kà atà aɲa madz à ahəɲ la sifa bokuba Zəzagəla uwana la sifa. Kay kà, Zəzagəla adəhà à atà seriya à gəl bokuba uwana adəhəɲ à azladza la gudəɲ la vok gesina nəma.

*Maday aɲa azlaməna madiɲal gəl à vok*

<sup>7</sup> Gudəɲ à vok kà nekwa adəv à gay. Gay gà la uwaga kəsàw gəl aɲkul, ɲgaha gəw nekwa kà akul aɲa madəv kuda à Zəzagəla. <sup>8</sup> Iyay, tatak məɲga gə kà, say kawoyaw vok kà akul à akul la ləv aɲkul gesina, kà masal kà, aslaslad maham à ahəɲ tsakana ala.✧ <sup>9</sup> Kiya uwaga kəsàw azladza la ahəl səla kokuda maɲoɲuzay. <sup>10</sup> Zəzagəla adəfahakulla delga la azladabaray anik anik. Avà maslay à kəla uwabeyuwi aɲkul, kà madəh azlatatak anik anik, say kəla uwabeyuwi adəh dziriga, masla azəb maslay aɲa Zəzagəla uwana avəl kà masla mazlakla azladza anik. <sup>11</sup> Dza uwana la maslay kà mapəh gay anik apah azlagay uwaga à uwana asà à waɲ la slaka Zəzagəla, dza uwana la maslay kà mazlak azladza anik, azlaka atà la ndzəda uwana Zəzagəla avəl. Da-hàwwəɲ kiya uwanay kà azladza aɲa mazləbay Zəzagəla la tatak gesina la abà, kà madegolay Yesu Kristu, masla uwana la maslay la mazləbay aɲa koksikoksi! Amen.

*Marabay la masla madiɲal gəl à vok uwana as ɲgəɲpa*

---

✧ 4:8 4.8 Haɲkəli 10.12

<sup>12</sup> Azladedda gulo, løy avalla akul à gay, kà manøy azlamatørøþay anik anik aw. Azlatatak uwaga aþøzà à akul kà aña maguray madinjal gøl à vok ankul, kadzugwaw kà azlatatak uwaga kà azlatatak mavalakulla à løy à gay aw. <sup>13</sup> Kahamaw à ngørpa uwana à abà Kristu asà, kà uwaga kà, vâlähàw à zagøla la kaslà uwana azladza tadànøyøy kà masla møyga la yewdi anata, akul kadàvalahaw à zagøla la løy ankul gesina. <sup>14</sup> Baña azladza tatsøka akul magodfahay à gøl kà, kà uwana akul azlaaña Kristu, Zøzagøla adapisakulla gay à vok kà uwaga, kà uwana Masasøfok aña Zøzagøla uwana ndzøfa, ngaha aduwanj gesina adza à ahøy la akul. <sup>15</sup> Baña dza la ahøy la tataka ankul la abà asa ngørpa, kà uwana adfahà mawisiga bañaw akøf dza, bañaw adà à gøl aña azlatatak anik, bañaw kamavàlàh à gay aña azladza anik à abà bokuba mavdzagogor kà, dza azløþà kà uwaga aw, apakà vok kiya uwaga la akul aw. <sup>16</sup> Ama baña dza asa ngørpa, kà uwana masla aña Kristu, ziruwi akøs kà uwaga aw. Kiya uwaga kà, 'Kikay', agodf à Zøzagøla, kà uwana azladza tazalla ala kà masla dza aña Kristu.

<sup>17</sup> Kaslà kà adaslay à uwana Zøzagøla adfah seriya à azladza à gøl. Adàdfah seriya kà azlaanaha à gøl dadån. Kayyà, baña adàfehøy kà azladza anaha à gøl dadån, ma kakay adàpaka vok la azladza uwana tatsøþ sløm à gay marabøy aw ma? <sup>18</sup> Bokuba uwana tatsetsør à wakità Zøzagøla à abà:

'Baña Zøzagøla adakøsay azlaanaha la seriya, atà uwana azladziriga, mana adàpaka vok la

azladza mawisiga uwana tasəl Zəzagəla aw ma?'☆

19 Kà humà à gay uwaga, azlauwana tasa ηgərpa kà uwana Zəzagəla awoyàn, kiya uwaga kà tada à huma à gay la madfàh delga, ηgaha tavà vok aηatà gesina à Zəzagəla à ahàl, masla uwana adahà à atà, ηgaha masla uwana dziriga.

## 5

### *Azlamasiga aηa azlatuwan aηa Zəzagəla*

<sup>1</sup> Lagonay gəpəhay kà à akul azlamasiga uwana la tataka aηkul la abà. Gi babay kà, gi masiga bokuba akul: Mok uwana tasà ηgərpa à Kristu kà, gənəηəη, gətəp gay gəl à ahàl à abà, məkəlanəη mazləbay aηa Kristu uwana Zəzagəla apəhanula, kà uwaga à uwana 'Kamkam', gəgod akul: <sup>2</sup> Fàw sləm à azladza aηa Zəzagəla, uwana abək à akul atà à ahàl: Dahàwwəη kiya uwana masla manəηla azlatuwan af sləm à azlatuwan aηha; fàw à atà sləm la ləv tekula, bokuba uwana asa à Zəzagəla. Kadəhawwəη la ləv səla aw, kadəhaw sləray kà maβəzal sili pəra aw. Dahàw sləray uwaga la ləv aηkul gesina. <sup>3</sup> Kakoraw la ndzəfa lakəl aηa azladza uwana Zəzagəla abək à akul atà à ahàl aηkul aw, fàw à atà sləm. Ama kà nəfəw maday delga kà mapəhatàla maday delga. <sup>4</sup> Baηa kadəhawwəη kiya uwanay kà, la kaslà uwana mənəη Sufəl aηa azlaməna manəηla azlatuwan adàsa à wan, akul, azladza uwana kaduwaw atà kadəβəzawwal la ahàl aηha masik mənəga

☆ 4:18 4.18 Haηkəli 11.31

gà, uwana aduwa azlatatak anik gesina, uwana akàl atsal à adi ala aw, adàdza à ahəŋ aŋa koksikoksi. <sup>5</sup> Gəgodf à akul azladza medega: Hòyàw yewdi aŋa azlamasiga aŋkul, kapakaw azlaməna zlapay aw, dəhàw vok sləray kà akul à akul, uwaga kà bokuba uwana tatsetsèr à wakità Zəzagəla à abà:

'Zəzagəla kà apəsew azlaməna zlapay, ama adəh delga à azladza tələmmaga.'<sup>✧</sup>

<sup>6</sup> Kà uwaga à uwana gəgodf à akul: Wulàwla gəl à vəfah la huma aŋa Zəzagəla, uwana akoray lakəl aŋa tatak gesina, baŋa kadəhawwaŋ kiya uwaga kà, la mok uwana kaslà adàsa à waŋ, masla adəzigəŋ akul. <sup>7</sup> Azlatatak gesina uwana azlazlazladə kà aŋkul kà, bəkàw atà à ahəl aŋa Zəzagəla, kà uwana masla afa à akul sləm. <sup>8</sup> Dzàw à ahəŋ mazil à zil, kadzewhal aw. Masla məzam aŋkul, seteni kà, masla la uwaga auguzahay, ayàh dza kà makəsay bokuba sikalaveri uwana awiyay, ayàh tatak may. <sup>9</sup> Kiya uwaga kavàwwal tetəvi aw, dàw à huma à gay la mav ləv aŋkul à Zəzagəla. Səlàw, kà azladedə aŋkul uwana la tetəvi aŋa Zəzagəla la tsəh la gudəŋ la vok gesina tasa ŋgərpa babay bokuba aŋkul. <sup>10</sup> Baŋa kasaw ŋgərpa kà aŋa kaslà ŋuv kiya uwaga, Zəzagəla uwana adəfahaha delga koksikoksi, masla, la gəl aŋha adəfahaha akul à ahəŋ, adàvə à akul ndzəfə kà akul aŋa masakiya à tetəvi la tsəh ala aw. Azalà akul, aŋa maday à mazləbay aŋha à abà, uwana adəv à gay aw, la ahəl aŋa Kristu. <sup>11</sup> Masla la uwana la maslay aŋa

---

✧ 5:5 5.5 Haŋkəli 3.34

tsərəh à awtày. Amen.

*Gay makəf gəl à ahəŋ*

<sup>12</sup> Silas azlakà gi matsetser bəzi wakità uwanay. Gəsəl kà masla dza dziriga la tetəvi aŋa Zəzagəla la ama. Gətsetsèr à akul kà gədzərədəh akul à uda, ŋgaha bay aya, gəgodf à akul la paraka ndzer, mazləbay aŋa Zəzagəla kà bokuba uwana gəpəh à akul. Wədfaw ləv ala la azlatatak uwaga la abà gesina. <sup>13</sup> Maham à ahəŋ məna gay Zəzagəla la abanay la Babila, uwana Zəzagəla atsatsəmàni atà, bokuba uwana atsatsəmàni akul babay, 'Ayyi', tagodf à akul. Mark uwana Kona gulo, avà à akul 'Ayyi' aŋha babay suwaŋ. <sup>14</sup> Dahàw vok 'Ayyi', kà akul à akul, la mawoy vok la abà.

Zəzagəla avà à akul lapiya, à akul gesina, uwana akul la ahəl aŋa Kristu.

**Wakità Zəzagəla Wakitə Anja Makəs Vok  
Slawda Mawga (Cameroun)  
Matal: Wakitə Zəzagəla Wakitə Anja Makəs Vok  
Slawda Mawga (Cameroun) (New Testament)**

copyright © 2019 Wycliffe Bible Translators, Inc.

Language: (Matal)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 13 Jul 2024 from source files  
dated 29 Jan 2022

03efbf2f-98ca-5534-8610-0be3a8c4b974